

სსიპ „ბავშვთა და ახალგაზრდობის ეროვნული ცენტრი“



გასანათებელი მოწყობილობები და ელექტრონატურების სახელმწიფო
შესყიდვის შესახებ
გამარტივებული ელექტრონული ტენდერის

სატენდერო დოკუმენტაცია
(CPV31500000)

2014 წელი
თბილისი

სარჩევი

1. ინსტრუქცია ელექტრონულ ტენდერში მონაწილეობის მისაღებად (სახელმწიფო შესყიდვების სააგენტოს თავჯდომარის 2011 წლის 7 აპრილის №9 ბრძანება) -----	3 გვ.
2. შესყიდვის ობიექტის ტექნიკური დავალება -----	6 გვ.
3. საქონლის მიწოდების ვადა და ადგილი -----	6 გვ.
4. მისაწოდებელი საქონლის ფასების ცხრილი -----	6 გვ.
5. ანგარიშსწორების პირობები -----	6 გვ.
6. ინფორმაცია ტენდერში მონაწილეთათვის -----	7 გვ.
7. პრეტენდენტის მიერ სისტემაში ასატვირთი მონაცემები -----	7 გვ.
8. სახელმწიფო შესყიდვის შესახებ ხელშეკრულების პროექტი -----	8-12 გვ.
9. დანართი №1 რეკვიზიტები -----	13 გვ.
10. დანართი №2 აფიდავიტის ფორმა -----	14 გვ.
11. დანართი №3 ფასების ცხრილის ფორმა -----	15 გვ.
12. დანართი №4 სურათი -----	16 გვ.
13. დანართი №5 სურათი -----	17 გვ.

ინსტრუქცია

გამარტივებულ ელექტრონულ ტენდერში მონაწილეობის მისაღებად

1.1. გამარტივებულ ელექტრონულ ტენდერში მონაწილეობისათვის იხილეთ:

ა) „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“;

ბ) სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“.

1.2. სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხართ გაეცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით). აფიდავიტის საილუსტრაციო ფორმა იხ. დანართი N2.

1.3. ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4. სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.5. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების დროებითი ტექნიკური გაუმართაობის შემთხვევაში, ელექტრონული გარანტიის წარდგენა და საფასურის გადახდა ყოველ კონკრეტულ ტენდერში შესაძლებელია განხორციელდეს სისტემის გამოყენების გარეშე.

1.6. ამ ინსტრუქციის 1.5. პუნქტის გათვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად ტენდერში მონაწილეობის შესაძლებლობა.

1.7. ელექტრონული გარანტიის ოდენობა შეადგენს ობიექტის სავარაუდო ღირებულების 1 (ერთ) პროცენტს.

1.8. მას შემდეგ, რაც ზემოთაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.9. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.10. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.11. ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.12. სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.13. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებით და შემსყიდველის მიერ განსაზღვრულ ბიჯზე არანაკლები ოდენობით.

1.14. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.15. დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.16. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.17. მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.18. იმ შემთხვევაში თუ ორი და მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.19. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღეს ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.20. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტაციის წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვის შესახებ ხელშეკრულებას.

1.21. პრეტენდენტის დისკვალიფიკაცია ხდება შემდეგ შემთხვევებში:

ა) პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტაციის წარმოუდგენლობის ან/და ხარვეზის მქონე მონაცემების წარმოდგენისას.

ბ) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;

გ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;

დ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში;

ე) პრეტენდენტის მიერ არაკეთილსინდისიერი ქმედების განხორციელებისას.

1.22. ამ ინსტრუქციის 1.21. ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.23. გამარტივებული ელექტრონული ტენდერის ან ელექტრონული ტენდერის ჩატარებისას, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ და „ტ“ ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

ა) პრეტენდენტი უარს იტყვის თავის სატენდერო წინადადებაზე;

ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;

გ) პრეტენდენტი დისკვალიფიცირებულია ამ წესის მე-13 მუხლის მე-2 პუნქტის „ბ“, „გ“, „ე“- „ზ“ ქვეპუნქტების შესაბამისად.

1.24. იმ შემთხვევაში, თუ ელექტრონული გარანტიის პრეტენდენტისთვის დაბრუნება მოხდება ამ ინსტრუქციის 1.23. პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

1.25. ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას;

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევაში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდა მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის პრეტენდენტს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერების ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.26. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტის ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.27. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.28. სახელმწიფო შესყიდვების ერთიან ელექტრონულ სისტემაში (შემდგომში სისტემა) ატვირთული ყველა დოკუმენტი ან/და ინფორმაცია ხელმოწერილი ან/ და ბეჭედდასმული უნდა იყოს უფლებამოსილი პირის მიერ.

1.29. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.30. სატენდერო დოკუმენტაცია არ შეიცავს პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენის მოთხოვნას.

2. შესყიდვის ობიექტის ტექნიკური დავალება

შესყიდვის ობიექტი მოიცავს საქართველოს სპორტისა და ახალგაზრდობის საქმეთა სამინისტროს სსიპ „ბავშვთა და ახალგაზრდობის ეროვნული ცენტრის“ მიერ პროგრამა „მომავლის ბანაკის“ ფარგლებში გასანათებელი მოწყობილობებისა და ელექტრონათურების შესყიდვას თანმდევი მომსახურებით.

№	საქონლის დასახელება	პარამეტრები და ტექნიკური მახასიათებლები	საქონლის რაოდენობა
1.	მაგიდის სანათი	საოფისე სანათი, მაგიდაზე სადგამით, ეკო ნათურებით (სავარაუდოდ 10 ვტ.) დანართი N4-ში მოცემული ნიმუშის მსგავსი.	20 ცალი
2.	ჭერის პლაფონური სანათი	საშხაპეებისა და ტუალეტებისათვის დაცული, ჰერმეტიკული, სავარაუდოდ 5 W-იანი დიოდური LED ნათების სანათი (ნათურით).	80 ცალი
3.	ჭერის პლაფონური დიოდური სანათი	ჭერის ნეიტრალური LED ნათების პლაფონური სანათი, არანაკლებ D=26სმ. დიამეტრის მქონე, სავარაუდოდ 26 W-იანი სიმძლავრის დიოდური სანათებით.	116 ცალი
4.	სანათი	ჰერმეტიკული, აგრესიული გარემოს შესაბამისი, დაცული სანათი სამაცივრე და ბოსტნეულის საცავებში სავარაუდოდ 5 W-იანი დიოდური LED ნათების სანათი (ნათურით).	4 ცალი
5.	წერტილოვანი სანათი	ჭერში ჩასმული ამრეკლიანი სანათი, სავარაუდოდ 15 სმ.-იანი დიამეტრის, სავარაუდოდ 16 W-იანი დიოდური ნათურით.	3 ცალი
6.	სანათი	ჭერზე მისამაგრებელი, გუმბათისებური ამრეკლით, ეკონათურებიანი სავარაუდოდ 60 W-იანი მაღალი ხარისხის (1800/1900 ლუმენი) ნეიტრალური ნათების სანათები	54 ცალი
7.	ჭერის დიოდური სანათი	ჭერში ჩასმული, კვადრატული ფორმის, მაღალი ხარისხის LED ნათების დიოდური სანათი (1800/1900 ლუმენი, სავარაუდოდ 25W-იანი ნათურებით)	21 ცალი
8.	პროექტორი	პატარა ბუნგალოების განთავსების მოედნისა და ფეხბურთის მინი სტადიონის გასანათებელი დიოდური (LED) პროექტორები სავარაუდოდ 4100 Lumen-ისა, სავარაუდოდ 60W-ისა, ფოლადის 7 მეტრიანი მილების საყრდენებით.	8 ცალი
9.	გრუნტის დიოდური სანათი	გრუნტის დიოდური, 2850 Lumen, სავარაუდოდ 50 W-იანი (Led) სანათები პალმების დეკორატიული, მწვანე ფერის ნათებით, გრუნტში 50სმ-ის სიღრმეზე ჩაწყობილი, Φ20მმ-იან PVC მილებში გატარებული, 3X2,5კვ.მმ კვეთის სამმაგი იზოლაციის სადენებით	20 ცალი
10.	პროექტორი	საძინებელი კოტეჯების დეკორატიული განათების Led პროექტორი სავარაუდოდ 2850 Lumen, სავარაუდოდ 50 W-იანი ყვითელი ნათების დიოდური ნათურით, გრუნტში 50სმ-ის სიღრმეზე ჩაწყობილი, Φ20მმ-იან	16 ცალი

		PVC მილებში გატარებული, 3X2,5კვ.მმ კვეთის სამმაგი იზოლაციის სადენებით	
11.	„სოკოს“ ტიპის სანათი	არსებული 65 ცალი "სოკოს" ტიპის სანათების (H=90სმ) აღდგენა (კონსტრუქციული არმატურის გამაგრება, დაზიანებული დეტალების შეცვლა, ბეტონის საძირკველში მყარად ჩამაგრება, ეკონათურების გამოცვლა და სხვ.)	65 ცალი
12.	„სოკოს“ ტიპის სანათი	ახალი "სოკოს" ტიპის ეკონათურებიანი სანათები	20 ცალი
13.	„ტორშერის“ ტიპის სანათები	არსებული „ტორშერის“ ტიპის ეკონათურებიანი სანათების (H=240სმ) აღდგენა (კონსტრუქციული არმატურის გამაგრება, დაზიანებული დეტალების შეცვლა, ბეტონის საძირკველში მყარად ჩამაგრება, საჭიროების შემთხვევაში ახალი საძირკვლის მოწყობა და სხვ.)	35 ცალი
14.	განათების სისტემის მოწყობა	გაზონებისა და ბილიკების გასანათებელი "ტორშერისა" და "სოკოს" სანათებისთვის, გრუნტში 50სმ-ის სიღრმეზე ჩაწყობილი, ელ. სადენების ახალი ქსელის მოწყობა $\Phi 20$ მმ-იანი PVC მილებისა და 3X2.5კვ.მმ კვეთის სამმაგი იზოლაციის მქონე სადენებით (ბილიკებისა და ბეტონის ბორდიურების ქვეშ გასატარებლად შესაძლებელია არსებული საკაბელე ხვრელების გამოყენება). სადენების გადაბმები შესრულდეს თერმული დამუშავების ე.წ. "მილყელა" საიზოლაციო მასალით)	2230 მ.
15.	სენსორული სანათი	სენსორული სანათი სავარაუდოდ 100 W-იანი ნათურით (სადარბაზოების სანათის მსგავსი).	6
16.	ეკო ნათურა	ეკო ნათურა 13 W-იანი	30
17.	ეკო ნათურა	შეკიდული ჭერის სანათის ეკონომ ნათურა 13 W-იანი	50
18.	ელ. გაყვანილობის ქსელის მოწყობა	12 პატარა ბუნგალოს განთავსების ტერიტორიის უზრუნველყოფა შესაბამისი (3X2.5 კვ.მმ. კვეთის 100მ., 3X6 კვ.მმ. კვეთის 150 მ.) ელ. გაყვანილობის ქსელით (ელ. ენერგიის წყაროდან დამორებულია 60-70 მეტრით).	150 მეტრი (3X6 კვ.მმ. კვეთის) 100 მეტრი (3X2.5 კვ.მმ.კვეთის)
19.	დამხმარე მასალა	დამხმარე სამონტაჟო მასალა	1
20.	ავტომატური	შემსყიდველი უზრუნველყოს შემდეგი ავტომატური ამომრთველების	

ამომრთველები	მიწოდებითა და მონტაჟით:	
	100 A, 3/P	8 ცალი
	63 A, 1/P	16 ცალი
	32 A, 1/P	8 ცალი
	16 A, 1/P	10 ცალი

2.2. მიმწოდებელი ვალდებულია უზრუნველყოს ზემოხსენებული სანათების მონტაჟი, საჭიროების შემთხვევაში არსებულის დემონტაჟი.

2.3. მიმწოდებელი ვალდებულია ზემოხსენებული შესყიდვის ობიექტის პარამეტრები და დიზაინი შეათანხმოს შემსყიდველთან.

2.4. ქარხნული წუნის აღმოჩენის შემთხვევაში მიმწოდებელი ვალდებულია საკუთარი ხარჯებით (ტრანსპორტირების ჩათვლით) შეცვალოს საქონელი ახლით წუნის აღმოჩენიდან დაუყოვნებლივ.

2.5. გასანათებელ მოწყობილობებზე უნდა გავრცელდეს არანაკლებ 6 თვიანი გარანტია, ხოლო ნათურებზე არანაკლებ 3 თვიანი გარანტია. გარანტიის ვადის ათვლა იწყება შესაბამისი მიღება-ჩაბარების აქტის გაფორმებიდან. საგარანტიო პერიოდში გამოვლენილი დაზიანებები მიმწოდებელმა ორგანიზაციამ უნდა აღმოფხვრას, შეაკეთოს საკუთარი ხარჯებით გონივრულ ვადაში.

2.6. წინამდებარე სატენდერო დოკუმენტაციის 2.1. პუნქტში მოცემული სანათების მონტაჟი უნდა განხორციელდეს ქ. ანაკლიაში არსებულ მომავლის ბანაკში. ხოლო 2.1. პუნქტის მე-3 პოზიციაში მოცემული ჭერის პლაფონური დიოდინი 8 სანათის მონტაჟი უნდა განხორციელდეს შემსყიდველის ოფისში შემდეგ მისამართზე: თბილისი, ვაჟა-ფშაველას გამზ. N76ბ.

2.7. შესყიდვის ობიექტი პრეტენდენტმა უნდა წარმოადგინოს ტექნიკურ დავალებაში მითითებული მახასიათებლების შესაბამისად.

3. საქონლის მიწოდების ადგილი და ვადა

3.1 საქონლის მიწოდება თანმდევი მომსახურებით ქ. ანაკლიაში არსებულ მომავლის ბანაკში უნდა განხორციელდეს ხელშეკრულების გაფორმებიდან არაუმეტეს 25 (ოცდახუთი) კალენდარული დღის განმავლობაში.

3.2 საქონლის მიწოდება თანმდევი მომსახურებით განხორციელოს ქ. ანაკლიაში, მომავლის ბანაკი და თბილისში, შემსყიდველის ოფისში.

3.3. ტექნიკური დოკუმენტაციის პირველი პოზიციით განსაზღვრული მაგიდის სანათის, მესამე პოზიციით განსაზღვრული ჭერის პლაფონური 8 სანათისა, 16 პოზიციით განსაზღვრული ეკო ნათურებისა და მე-15 პოზიციით განსაზღვრული სენსორული სანათი მიწოდება და მონტაჟი განხორციელდეს ხელშეკრულების გაფორმებიდან 10 სამუშაო დღის განმავლობაში შემდეგ მისამართზე: თბილისი, ვაჟა-ფშაველას გამზ. 76ბ.

4. მისაწოდებელი საქონლის ფასების ცხრილი

4.1. პრეტენდენტმა უნდა წარმოადგინოს მოსაწოდებელი საქონლის ფასების ცხრილი დანართი N3-ის შესაბამისად.

4.2. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადისა და ხარჯის გათვალისწინებით.

5. ანგარიშსწორების პირობები

- 5.1. ანგარიშსწორება მოხდება უნაღდო ანგარიშსწორებით ლარში.
- 5.2. ანგარიშსწორება განხორციელდება შესასყიდი საქონლის მიწოდების შემდეგ, შესაბამისი მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.
- 5.3. წინასწარი ანგარიშსწორება (ავანსი) არ გამოიყენება.

6. ინფორმაცია ტენდერში მონაწილეთათვის

- 6.1. პრეტენდენტის მიერ წარდგენილი წინადადება ძალაშია სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.
- 6.2. სატენდერო წინადადების ფასის წარმოდგენა დასაშვებია მხოლოდ ეროვნულ ვალუტაში - ლარი;
- 6.3. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს დადგენილი წესით შესრულებული თარგმანი ქართულ ენაზე.
- 6.4. სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.
- 6.5. პრეტენდენტს არ აქვს უფლება წარმოადგინოს ალტერნატიული სატენდერო წინადადება.
- 6.6. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.
- 6.7. მიმწოდებლებს შეუძლიათ სატენდერო დოკუმენტაციასთან დაკავშირებული შეკითხვები დასვან სისტემის კითხვა/პასუხის მოდულის მეშვეობით. შემსყიდველ ორგანიზაციებს კი ექნებათ ვალდებულება აღნიშნულ შეკითხვებს უპასუხო. სისტემაში უკვე დამკვიდრებული პრინციპი მიმწოდებელთა ვინაობის კონფიდენციალურობასთან დაკავშირებით დაცულია ამ შემთხვევაშიც, კერძოდ, ტენდერში ელექტრონული ვაჭრობის დასრულებამდე შეკითხვის ავტორი მიმწოდებლის ვინაობა არ არის საჯარო. რაც შეეხება შეკითხვას და ამ შეკითხვაზე პასუხს, აღნიშნული ინფორმაცია ხელმისაწვდომია სისტემის ნებისმიერი მომხმარებლისთვის. აღსანიშნავია, რომ შემსყიდველი ორგანიზაციის პასუხით/განმარტებით შეუძლია ისარგებლოს როგორც შეკითხვის ავტორმა მიმწოდებელმა, ასევე, სხვა მიმწოდებლებმაც.

7. პრეტენდენტის მიერ სისტემაში ასატვირთი მონაცემები

- 7.1 რეკვიზიტები დანართი N1-ის მიხედვით.
- 7.2 მისაწოდებელი საქონლის ფასების ცხრილი დანართი N3-ის შესაბამისად.

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. თბილისი, ვაჟა-ფშაველას გამზ. №76ბ, პირველი სართული საკონტაქტო პირისაგან:

ხატია ამილახვარი ტელ: 595 99 20 60 ელ-ფოსტა: khamilakhvari@cync.ge

ხელშეკრულების პროექტი

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში)

ხელშეკრულება № _____

სახელმწიფო შესყიდვის შესახებ
(გამარტივებული ელექტრონული ტენდერი)

თბილისი

_____ **2014წ.**

ერთი მხრივ სსიპ „ბავშვთა და ახალგაზრდობის ეროვნული ცენტრი“ შემდგომში - „შემსყიდველი“, წარმოდგენილი ცენტრის უფროსის მოვალეობის შემსრულებლის ნუგზარ კველიშვილის სახით და მეორე მხრივ _____, შემდგომში - „მიმწოდებელი“, წარმოდგენილი მისი _____ სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ამავე კანონის მე-3 მუხლის პირველი პუნქტის „რ“ ქვეპუნქტის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება“ – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „საქონელი“ – წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

წინამდებარე ხელშეკრულების საგანს წარმოადგენს მიმწოდებლის მიერ შემსყიდველისთვის

საქონლის მიწოდება - შემდგომში საქონელი.

3. ხელშეკრულების ღირებულება

3.1 ხელშეკრულების ღირებულება საქართველოს კანონმდებლობით გათვალისწინებული დამატებული ღირებულების გადასახადის ჩათვლით შეადგენს _____ ლარს.

3.2 ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. მხარეთა ვალდებულებები

4.1 მიმწოდებელი ვალდებულია:

ა) უზრუნველყოს წინამდებარე ხელშეკრულების მე-2 მუხლით გათვალისწინებული საქონლის მიწოდება _____ პერიოდის განმავლობაში.

ბ) საქონლის მიწოდების პროცესში იხელმძღვანელოს ამ ხელშეკრულების მე-5 მუხლის 5.1. პუნქტით გათვალისწინებული პირობებით.

გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) შეუფერხებლად აუნაზღაუროს მიმწოდებელს მიწოდებული საქონლის ღირებულება ამ ხელშეკრულებით გათვალისწინებული ვადების შესაბამისად;

ბ) უზრუნველყოს ხელშეკრულების შესრულების კონტროლი;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი

5.1. ხელშეკრულების მე-2 მუხლითა და ხელშეკრულების დანართი N1-ით გათვალისწინებული საქონელი უნდა შეესაბამებოდეს მსგავსი საქონლისათვის არსებულ სტანდარტებსა და შემსყიდველი ორგანიზაციის მოთხოვნებს.

5.2. აღნიშნული ნორმიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს საქონელი ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

6. ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების პერიოდში.

6.2 ინსპექტირებას განახორციელებს: სსიპ „ბავშვთა და ახალგაზრდობის ეროვნული ცენტრის“

6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია წერილობითი შეტყობინებიდან **10 (ათი)** დღეში გამოასწოროს წუნი ან თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება დაუბრუნოს შემსყიდველს აღნიშნული საქონლის ღირებულება.

6.4 თუ ამ მუხლის 6.3 პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

7. საქონლის მიღება-ჩაბარების წესი

7.1. საქონლის მიღება წარმოებს მიღება-ჩაბარების აქტის გაფორმების გზით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

7.2. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

7.3. საქონლის მიღებას აწარმოებს: სსიპ „ბავშვთა და ახალგაზრდობის ეროვნული ცენტრის“

8. ანგარიშსწორება

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2 შემსყიდველი იღებს ვალდებულებას გადაუხადოს მიმწოდებელს საქონლის ღირებულება შესაბამისი მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 10 (ათი) სამუშაო დღის განმავლობაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1 წინამდებარე ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების ჯამური ღირებულების ---- არაუგვიანეს 10 (ათი) საბანკო დღისა. იმ შემთხვევაში, თუ დამრღვევი მხარე მითითებულ ვადაში არ გადაიხდის პირგასამტეხლოს, მას დამატებით დაეკისრება პირგასამტეხლო ყოველ ვადაგადაცილებულ დღეზე გადასახდელი პირგასამტეხლოს 10%-ის ოდენობით.

10.2 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10.3 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

11. ხელშეკრულებაში ცვლილებების შეტანა

11.1 წინამდებარე ხელშეკრულების პირობების ნებისმიერი ცვლილება ან დამატება უნდა გაფორმდეს წერილობით ხელშეკრულების ცვლილების სახით, რომელიც ჩაითვლება ხელშეკრულების განუყოფელ ნაწილად.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3 წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

12.2 თუ ასეთი მოლაპარაკების დაწყებიდან **5 (ხუთი)** დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

13. ხელშეკრულების შეწყვეტა

13.1 შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

13.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს ხელშეკრულებით განსაზღვრული სხვა ვალდებულებების შესრულებისგან.

14. ხელშეკრულების მოქმედების ვადა

წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს _____ ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია თანაბარი იურიდიული ძალის მქონე ორ ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი შემსყიდველს.

17. მხარეთა რეკვიზიტები:

შემსყიდველი:

მიმწოდებელი:

დანართი N1

1. რეკვიზიტები :

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტობრივი მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიში:

პრეტენდენტის ხელმოწერა და ბეჭედი _____

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვწერე ამ აფიდავითს და წარვადგინე ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავცანი ამ აფიდავითს შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

ფასების ცხრილი

№	საქონლის დასახელება	პარამეტრები და ტექნიკური მახასიათებლები	საქონლ ის რაოდენ ობა	CPV კოდი	მწარმოებელ ი	მოდელ ი	ერთეუ ლის ღირებუ ლება	ჯამური ღირებუ ლება
1.	მაგიდის სანათი	საოფისე სანათი, მაგიდაზე სადგამით, ეკო ნათურებით (სავარაუდოდ 10 ვტ.) დანართი N4-ში მოცემული ნიმუშის მსგავსი.	20 ცალი	31521100				
2.	ჭერის პლაფონური სანათი	საშხაპეებისა და ტუალეტებისათვის დაცული, ჭერმეტული, სავარაუდოდ 5 W-იანი დიოდური LED ნათების სანათი (ნათურით).	80 ცალი	31524120				
3.	ჭერის პლაფონური დიოდური სანათი	ჭერის ნეიტრალური LED ნათების პლაფონური სანათი, არანაკლებ D=26სმ. დიამეტრის მქონე, სავარაუდოდ 26 W-იანი სიმძლავრის დიოდური სანათებით.	116 ცალი	31524120				
4.	სანათი	ჭერმეტული, აგრესიული გარემოს შესაბამისი, დაცული სანათი სამაცივრე და ბოსტნეულის საცავებში სავარაუდოდ 5 W-იანი დიოდური LED ნათების სანათი (ნათურით).	4 ცალი	31511000				
5.	წერტილოვან ი სანათი	ჭერში ჩასმული ამრეკლიანი სანათი, სავარაუდოდ 15 სმ.- იანი დიამეტრის, სავარაუდოდ 16 W-იანი დიოდური ნათურით.	3 ცალი	31524120				
6.	სანათი	ჭერზე მისამაგრებელი, გუმბათისებური ამრეკლით, ეკონათურებიანი სავარაუდოდ 60 W-იანი) მაღალი ხარისხის (1800/1900	54 ცალი	31524120				

		ლუმენი) ნეიტრალური ნათების სანათები						
7.	ჭერის დიოდური სანათი	ჭერში ჩასმული, კვადრატული ფორმის, მაღალი ხარისხის LED ნათების დიოდური სანათი (1800/1900 ლუმენი, სავარაუდოდ 25W-იანი ნათურებით)	21 ცალი	31524120				
8.	პროექტორი	პატარა ბუნგალოების განთავსების მოედნისა და ფეხბურთის მიწის სტადიონის გასანათებელი დიოდური (LED) პროექტორები სავარაუდოდ 4100 Lumen-ისა, სავარაუდოდ 60W-ისა, ფოლადის 7 მეტრიანი მილების საყრდენებით.	8 ცალი	31518100				
9.	გრუნტის დიოდური სანათი	გრუნტის დიოდური, 2850 Lumen, სავარაუდოდ 50 W- იანი (Led) სანათები პალმების დეკორატიული, მწვანე ფერის ნათებით, გრუნტში 50სმ-ის სიღრმეზე ჩაწყობილი, Φ20მმ- იან PVC მილებში გატარებული, 3X2,5კვ.მმ კვეთის სამმაგი იზოლაციის სადენებით	20 ცალი	31527000				
10.	პროექტორი	სამინებელი კოტეჯების დეკორატიული განათების Led პროექტორი სავარაუდოდ 2850 Lumen, სავარაუდოდ 50 W-იანი ყვითელი ნათების დიოდური ნათურით, გრუნტში 50სმ-ის სიღრმეზე ჩაწყობილი, Φ20მმ-იან PVC მილებში გატარებული, 3X2,5კვ.მმ კვეთის სამმაგი იზოლაციის სადენებით	16 ცალი	31518100				
11.	„სოკოს“ ტიპის სანათი	არსებული 65 ცალი "სოკოს" ტიპის სანათების (H=90სმ)	65 ცალი	31532000				

		აღდგენა (კონსტრუქციული არმატურის გამაგრება, დაზიანებული დეტალების შეცვლა, ბეტონის საძირკველში მყარად ჩამაგრება, ეკონათურების გამოცვლა და სხვ.)						
12.	„სოკოს“ ტიპის სანათი	ახალი "სოკოს" ტიპის ეკონათურებიანი სანათები	20 ცალი	31527200				
13.	„ტორშერის“ ტიპის სანათები	არსებული „ტორშერის“ ტიპის ეკონათურებიანი სანათების (H=240სმ) აღდგენა (კონსტრუქციული არმატურის გამაგრება, დაზიანებული დეტალების შეცვლა, ბეტონის საძირკველში მყარად ჩამაგრება, საჭიროების შემთხვევაში ახალი საძირკვლის მოწყობა და სხვ.)	35 ცალი	31532000				
14.	განათების სისტემის მოწყობა	გაზონებისა და ბილიკების გასანათებელი "ტორშერისა" და "სოკოს" სანათებისთვის, გრუნტში 50სმ-ის სიღრმეზე ჩაწყობილი, ელ. სადენების ახალი ქსელის მოწყობა $\Phi 20$ მმ-იანი PVC მილებისა და 3×2.5 კვ.მმ კვეთის სამმაგი იზოლაციის მქონე სადენებით (ბილიკებისა და ბეტონის ბორდიურების ქვეშ გასატარებლად შესაძლებელია არსებული საკაბელე ხვრელების გამოყენება). სადენების გადაბმები შესრულდეს თერმული დამუშავების ე.წ. "მილყელა" საიზოლაციო მასალით)	2230 მ.	31527260				
15.	სენსორული სანათი	სენსორული სანათი სავარაუდოდ 100 W-იანი ნათურით (სადარბაზოების	6	31527200				

		სანათის მსგავსი).						
16.	ეკო ნათურა	ეკო ნათურა 13 W-იანი	30	31519200				
17.	ეკო ნათურა	შეკიდული ჭერის სანათის ეკონომ ნათურა 13 W-იანი	50	31519200				
18.	ელ. გაყვანილობი ს ქსელის მოწყობა	12 პატარა ბუნგალოს განთავსების ტერიტორიის უზრუნველყოფა შესაბამისი (3X2.5 კვ.მმ. კვეთის 100მ., 3X6 კვ.მმ. კვეთის 150 მ.) ელ. გაყვანილობის ქსელით (ელ. ენერგიის წყაროდან დამორებულია 60-70 მეტრით).	150 მეტრი (3X6 კვ.მმ. კვეთის)	31527260				
			100 მეტრი (3X2.5 კვ.მმ.კვე თის)					
19.	დამხმარე მასალა	დამხმარე სამონტაჟო მასალა	1	31530000				
20.	ავტომატური ამომრთველე ბი	შემსყიდველი უზრუნველყოს შემდეგი ავტომატური ამომრთველების მიწოდებითა და მონტაჟით:		31530000				
		100 A, 3/P	8 ცალი					
		63 A, 1/P	16 ცალი					
		32 A, 1/P	8 ცალი					
		16 A, 1/P	10 ცალი					
								სულ ჯამი

შენიშვნა: დღგ-ს გადამხდელის შემთხვევაში სატენდერო წინადადების ფასი წარმოდგენილი უნდა იყოს დღგ-ს გათვალისწინებით.

დანართი N4

